

書名 成案備考十卷  
 撰者 清 闕名 輯  
 卷 卷六  
 內容分類 史-政書-法令-刑案  
 索書號 大木-法類-例案-13  
 編號 B3853300

# 卷六



[彩色首頁1](#)

[東洋文化研究所漢籍目錄 編號: B3853300](#)

[東洋文化研究所漢籍目錄所藏漢籍善本全文影像資料庫 索書號: 大木-法類-例案-13](#)

[漢籍善本全文影像資料庫文本成案備考十卷](#)

版權所有: [東京大學 東洋文化研究所](#)

[使用上的注意事項](#)

成案備考卷一

陝西司 嘉慶二十二年

洛武生膝殿邦於總督轎前衝突行走經隨從武弁

阻該生復向扭毆並未成傷一案查膝殿邦身列

當知憲輿之前理應謹肅乃不迴避輒敢衝突

迨經隨從武弁推阻復敢扭結向毆將膝殿邦

員不守學規問發為民例革去衣頂依不應重

八十不准收贖

浙江司 二十三年

贖刑





成案備考卷六

安徽司 十八年

咨黨大砲聽從黨希孔點放黨希孔手執鐵銃致傷  
王景身死應照故殺問擬故殺無從將黨大砲叱照  
威力主使人毆打致死下手之人減等律杖一百流  
三千里

陝西司 十八年

題馮海寧因挾樊太簡充當行頭不代伊邀人算帳  
急經向索肉錢時被村斥之嫌輒遷怒其子樊陳保  
鬥殺及故殺人



子臨時起意殺死用刀扎劃其咽喉等處傷而未死  
此照謀殺人傷而未死律量減擬流本部查故殺律  
內既不言傷而未死即應照鬥傷定擬且恭觀故用  
蛇蝎傷<sup>虫</sup>致死並謀故殺而誤殺旁人以故殺論各條  
其傷而不死俱載明以鬥毆傷論則是故殺之案其  
傷而不死應照鬥傷科罪更屬顯然將馮海寧駁改  
照刃傷人律杖八十徒二年

江蘓司 二十年

題李倫因聞黃洵欲在曾經結訟斷明所畫地內收

稍恐其越界多收該犯因病在家即主使伊姪李體  
虔糾人阻截致被糾之李萬舉施放火鎗致傷王建  
德身死將李萬舉依故殺律擬斬監候李忝沅放鎗  
致傷王興池等三人依烏鎗傷人擬軍李倫肇衅釀  
命實為首禍之人應照原謀擬以滿流李體虔聽從  
糾人致釀人命非尋常餘人可比於原謀上量減一  
等擬以滿徒

山東司 二十年

題王月與伊子王大兩在地看守棉花齊復興在地  
鬥殺及故殺人

經過順手將棉花拾看王月喝罵齊復興不依爭吵  
用拳毆傷王月左腮腴王月喝令伊子王大兩幫毆  
王大兩攏護齊復興揪住王大兩髮辮王大兩拔刀  
扎傷齊復興右肋倒地歇手至晚殞命王月聞知慮  
到官治罪心生畏懼投繯殞命查王大兩之北斃人  
命究由伊父喝令幫毆並非該犯首先肇衅應比照  
原謀畏罪自盡准其抵命將下手應絞之人減等擬  
流

陝西司二十一年

題趙仁隴毆傷譚耀庭身死一案查案內之孫策仕

愚弄趙仁隴種傷圖賴雖訊無主使毆打情事惟教  
誘種傷圖賴致趙仁隴毆傷譚耀庭身死實屬陰謀  
狡詐若照教誘人故自傷殘律止擬杖未免輕縱將  
孫策仕比照同謀共毆死非其所欲謀欲之人將起  
意糾毆之犯照原謀律減一等杖一百徒三年

安徽司二十二年

咨文幅聽從文士聽起意謀毆許勝孜越二十五日  
因風身死一案查許勝孜被文幅鎗扎左乳一傷潰  
爛越二十五日因風身死文幅例應聲請改流第原  
鬥毆及故殺人



謀文士聽於到官以後未結之前監斃在獄似未便  
仍科文幅以滿流之罪應照原毆致命之處而傷輕  
因風身死在二十日以外滿流本罪上再減一等滿  
徒

陝西司 二十二年

題馬林主使馬文廣毆傷王宗身死並馬文廣畏罪  
自盡一案查已死王宗係馬林親姊之子服屬小功  
卑幼馬林主使馬文廣將王宗毆斃自應以主使之  
人為首照毆死外姻小功卑幼例絞候馬文廣為從  
減等擬流嗣馬文廣因畏罪在監墜練自盡將馬林

比照共毆案內下手應擬絞抵之人遇有餘人內毆  
有致死傷重之人是因案畏<sup>罪</sup>自盡例減等滿流

河南司 二十二年

題劉本四因魏三毆死劉三經劉三之父邀同該犯  
追拏將魏三毆斃比照兩家互毆致斃一命其律應  
擬抵之正兇當時被死者無服親屬毆死例將毆死  
兇手之人杖一百流三十里

安徽司 二十二年

題姚春榮因欠王以德錢文王以德向索央緩不依  
門殺及故殺人



嚷罵並向撲毆姚春榮順拾土塊擲傷王以德右乳  
逃跪王以德追趕被牛椿絆跌倒地爬起復失足躄  
坐牛椿墊傷腎囊身死撫以姚春榮擲傷王以德右  
乳傷甚輕微不致於死由於追趕自行失跌所致且  
王以德意欲毆人而自失跌與被毆致死情稍有間  
將姚春榮於鬥殺絞罪上量減一等擬流部查姚春  
榮欠錢不還王以德不依撲毆該犯拾起土塊將其  
擲傷逃走王以德尾追絆跌身死核其情節不獨王  
以德嚷罵撲毆該犯拾土塊回擲業有爭鬥情形且

王以德被該犯拾土塊擲傷致命右乳傷雖輕微惟  
因被傷而追趕因被趕而跌墊致斃事實相同不得  
曲為之解姚春榮應改依鬥殺律絞候

山東司二十四年

題王小相等共毆白玉宗身死一案此案白玉宗因  
與出嫁胞妹吵鬧經王述先趨勸致相爭毆迨白玉  
宗將王述先推跌倒地適王小相踵至王述先喊令  
幫護王小相用木扒柄迭毆白玉宗臙肋骨斷倒地  
白玉宗混罵王述先復毆傷其手腕等處除下手傷

鬥殺及故殺人



重之王小相依律擬絞監候外查王述先被白玉宗  
推跌倒地喊令王小相幫毆致將白玉宗毆斃雖無  
預謀糾毆究由該犯喊令幫護所致將王述先依原  
謀滿流上減一等杖一百徒三年

奉天司 二十四年

奏譚成修踢傷張泳安越十三日未愈因患疔毒身  
死一案查譚成修開立典舖于發票時不給現錢因  
此與張泳安互行爭鬥迨將張泳安推跌倒地即用  
木柴毆擊致命顛門成傷又踢傷其項頸等處舖夥

周起等踵至各踢張泳安成傷情近強橫雖張泳安  
死由疔毒而原傷究未痊愈將譚成修比照鬥毆之  
案原毆如當致命之處而傷輕因風身死在十日以  
外聲請改流例杖一百流三千里

河南司 二十五年

題焦登科毆死患瘋之荆黑兒一案二十五年七月  
初六日奉

旨刑部具題河南靈寶縣役焦登科踢斃荆黑兒一案朕詳  
加披閱荆黑兒瘋病復發赤身持棍跑入縣堂擊鼓跳舞  
鬥殺及故殺人

焦登科衛萬林二人因係值堂皂役若不行攔阻或被闖入署內毆傷本官應得守衛不嚴之罪該役等向前攔阻因被荆黑兒持棍亂毆一同捕禦焦登科舉腳向踢適傷荆黑兒心坎右乳傷重殞命焦登科與荆黑兒素不認識並非有心致死照共毆下手傷重律擬以絞監候似覺過重著刑部詳查律例量為輕減另行核議具奏欽此經本部核議將焦登科量減一等杖一百流三千里衛萬林依手足毆人成傷笞三十

四川司 道光元年

題賀紹文因彭宗智踣壞伊妹夫戴正馨菜園蒜苗向斥彭宗智嫚罵賀紹文拾棍毆傷其胳膊經戴正馨喝阻賀紹文歇手彭宗智掙起碰在板凳上致傷右額角殞命係自行碰傷致斃罪生所由固未便僅科傷罪若竟照聞殺擬絞究與毆傷致斃者有間於鬥殺擬絞監候罪上量減一等杖一百流三千里

陝西司 三年

題謝有才拉跌韓張氏身死一案查謝有才因欲與素相姦好之韓張氏續姦不允該犯趕拉其手不期

鬥殺及故殺人



張氏用力往後一掙跌崖致斃撫將謝有才比照鬥  
殺律酌減擬流部以張氏之死由於該犯趕拉掙跌  
所致既有掙拒情形即與爭鬥無異將謝有才改依  
鬥殺律絞候

直隸司 二十四年

咨李中林向開歇店營生因住客杜治邦病劇慮恐  
在店病斃受累即將杜治邦赤身抬放野地以致因  
病受凍身死茅杜治邦身穿衣服係自行脫去並非  
該犯故屏且病已垂危亦非專因受凍身死將李中  
林依故屏去人服食律絞候上量減一等滿流

直隸司 二年

咨彭洛萬因向陳花子索討賭欠無償輒逼其脫衣  
抵欠以致陳花子因凍投井身死惟陳花子係自行  
屏去人服食

脫衣擲地並非彭洛萬用強剝取且陳花子之死由於自盡與寔在凍斃不同將彭洛萬比依屏去人服食致死絞候律上量減滿流

山西司 二十年

咨龐學義因胞兄龐學禮揪按祖母龐高氏在炕上前將龐學禮小刀奪獲過手並將龐學禮拉開向勸因見龐高氏向其奪刀欲扎死龐學禮除害該犯恐被奪去往後躲藏原為護兄起見不期龐學禮撲至身後右邊兩相湊合適傷致斃實非意料所及正與耳目所不及思慮所不到初無害人之意偶致殺人之律註相符將龐學義依弟過失殺胞兄於斬罪上

減二等杖一百徒三年

戲殺誤殺過失殺傷人



四川司 二十二年

奏寶瑛聽從伊母老劉氏投河被救得生一案查例內並無父母起意自盡其子情愿同死致令父母斃命而其子被救得生作何治罪明文案閱論紀未便輕縱將寶瑛比照上年陝西倪勝兒之案將寶瑛擬斬立決恭候

欽定

浙江司 二十三年

咨陳繼國等見山北崗下堆有松樹十一段因家住

山南由山北轉運途路較遠起意將樹段抬至山崗滾落山南運回較便當將樹段抬至山崗放落因是日下霧陳繼國以地處深山向無人走先行聲喊無人答應後同黃雲庭將樹抬動隨勢滾下不期樓瑞嬉走至被樹壓傷身死將陳繼國比照捕戶於探山曠野安置窩弓不立望竿因而傷人致死律杖一百徒三年

江蘇司 二十五年

咨捕差秦玉同許祥等奉票緝拿賊匪因賊犯何二拒傷許祥由常學端門首跑走秦玉追捕不及點放戲殺誤殺過失殺傷人

鐵銃以致轟傷常學端身死比照烏鎗向有人居住  
宅舍施放誤傷人致死擬流例量減一等杖一百徒  
三年追埋銀一十兩

江蘓司 元年

咨趙邦因被竊疑係丐棚門首唐三竊取向詢被斥糾人  
往毆洩忿至丐棚門首唐三聞知逃跑趙邦令拆毀  
丐棚使丐匪無可棲身未及進棚查看即在棚外推  
塌墻屋尚有乞丐阿二因病蒙蓋草薦側卧墻下致  
被壓身死比照無故向有人居住宅舍投擲磚石因

而致死律杖一百流三千里

四川司 元年

咨李俸兒在地割草因聞年甫九歲之魏勳釗被蛇  
咬住手指喊救李俸兒用刀將蛇亂砍因蛇向魏勳  
釗頭上扒去李俸兒慌急掉轉刀口向砍魏勳釗手  
扯茅草將臉遮蔽李俸兒不能審視誤傷魏勳釗顛  
門致斃比照向有人居住宅舍施放鎗箭殺人律杖  
一百流三千里部改照庸醫為人針刺因而致死如  
無故害之情者以過失殺論照過失殺收贖  
戲殺誤殺過失殺傷人



江蘓司 元年

題戴邦穩因苫蓋草屋尚未完工與妻並其母在墻外麥草堆中居住該犯在草堆邊煮飯因聞伊瓦與人爭毆未及撤火前往幫護致遺火吹入草堆延燒伊母年老不能走避被燒身死依子孫過失殺父母例絞決仍夾簽聲請

福建司 二年

題營兵吳金壽隨同外委拿獲花會案犯劉伊耕押至中途被姜弗成糾眾趕搶吳金壽情急抵禦點鎗

嚇放誤傷路過之鄧壯圖身死該撫將吳金壽依烏鎗殺人斬罪上量減擬流經本部以姜弗成糾眾奪犯係有罪之人吳金壽情急點鎗抵禦正與捕役與賊格鬥情事相同其誤傷鄧壯圖身死應比例問擬將吳金壽比依捕役拏賊與賊格鬥誤殺無干之人例照過失殺人收贖

河南司 三年

咨年甫七歲之李樽致拾取剪刀至街頑耍經伊姊何李氏令其拿回該犯將剪刀擲還適年甫六歲之戲殺誤殺過失殺人

張小孜走至何李氏身旁以致誤傷張小孜斃命犯  
父李澤培以止係李樽孜一子毆斃人命諒應抵命  
愁急自縊殞命此案傷誤中死出不虞既無爭鬥情  
形亦非因戲起衅將李樽孜比照無故向有人居止  
宅舍放彈射箭投擲磚石傷人因而致死律杖一百  
流三千里年僅七歲照例免罪仍追埋銀至李澤培  
自盡之處雖由痛子犯罪所致惟該犯誤傷人命係  
屬幼穉無知且本罪僅止擬流與罪犯應死累父戕  
生不同應毋庸議

山東司 二十三年

咨吳五因妻劉氏教令其女與鞠二通姦登時致斃  
並將其女扎傷查劉氏因貧圖鞠二資助教令其女  
吳氏與之通姦迨吳五風聞查詢猶復用言支飾劉  
氏實屬罔顧廉恥之婦吳五因劉氏袒護姦夫姦婦  
不令捉拏因而登時將劉氏扎傷斃命實屬激於義  
忿自不得仍照尋常殺妻者擬以絞抵但劉氏雖教  
令犯姦究非犯姦之婦又未便遽行照例擬杖自應  
酌量問擬吳五比照聞姦數日殺死姦婦者將本夫  
夫毆死有罪妻妾



照已就拘執而擅殺例擬杖一百徒三年

福建司二十三年

咨林存照勒死乞養子林增弟移屍圖賴查林增弟甫生一月即經林存照抱養為子雇人乳哺已經恩養七年林存照因向莊德泰批佃不遂又被拔毀麥子一時氣忿將林增弟故殺圖賴例無明文林存照比依故殺之圖賴人例發附近充軍

四川司二十四年

咨李沅故殺養女童春百圖賴一案查沅撫養童春百為義女恩養已及七年不為不久李沅向徐均傷殺子孫及奴婢圖賴人

復贖銀不遂起意將童春首致死圖賴若僅依故殺  
乞養異姓子本律擬流置圖賴於不議較之故殺子  
孫圖賴者反輕將李沅比照故殺子孫圖賴例發附  
福建司 二十五年

咨張橘古因小功堂叔張惠周私放田水彼此爭扭  
伊<sup>父</sup>張宏佳前向理論又被張惠周推跌迨後張橘古  
見父病垂危希圖張惠周出錢埋葬將父背至張惠  
周家內旋即病故與藉屍圖賴無異張橘古應比照  
子孫將已死父母屍身圖賴人杖一百徒三年

山東司 十八年

咨趙炳圖騙錢文捏造男女陰陽令人朝天磕頭數  
目唱歌治病即與畫符無異趙炳比照端公道士及  
一切人等作為異端法術醫人未致死例杖一百流  
四川司 二十一年

咨劉成受誤賣葯材致劉士庚等中毒身死一案律  
例內並無舖戶辨認葯材不真誤賣致斃人命治罪  
明文將劉成受比庸醫為人用葯誤不如本方因而  
致死以過失殺人論准鬥殺罪依律收贖

庸醫殺人論





江西司二十五年

咨林春發將玉匣記內刊載幼孩鎮驚祛病符錄照樣書畫為人治病與實在作為異端邪術醫人者有間第藉此騙錢誑惑應依異端法術醫人未致死湍流上量減一等杖一百徒三年

江蘓司二十五年

咨僧悟禪因寺宇坍塌欲圖修整見朱長化痰迷病發捏稱有神附體哄人醫病求為得財應比照端公道士作為異端法術醫人未死杖一百徒三年

四川司二年

咨馮正順銃傷竊賊胡狗身死一案查馮正順于偏僻山中黑夜聽聞樹株林內聲响疑獸放鎗誤傷正在行竊之胡狗身死究與誤殺平人有間將馮正順依竹銃在深山曠野施放誤傷人因而致死杖一百徒三年例上量減一等杖九十徒二年半

窩弓殺傷人

直隸司十八年

咨趙六兒刁姦犯姦婦女趙王氏未成致氏因姦敗  
露羞愧自盡將趙六兒比照強姦犯姦婦女未成致  
本婦羞愧自盡滿流例上量減一等杖一百徒三年

湖廣司十九年

咨劉先容因與陳宗華之妻通姦懷孕被陳宗華盤  
出姦情將姦婦致死並恐二子長大被人耻笑一并  
砍殺釀成一家三命比照威逼致死三命例發充邊遠

福建司

威逼人致死



奏葉張氏與無服族姪葉世旺通姦敗露被翁姑夫  
毆罵葉張氏將翁姑夫全行毒斃將該氏凌遲處死  
葉世旺並不知毒情比照因姦釀命杖一百徒三年

山東司二十年

題楊拾來因與孫張氏之夫雇工夏耀楷之弟夏石  
色戲謔言及孫張氏貌美夏耀楷好與睡宿夏石色  
回告伊兄被孫張氏聽聞致孫張氏趕向哭鬧後氣  
忿自縊身死應照並未與婦女觀面相戲止與其夫  
及親屬互相戲謔婦女聞聽羞忿自盡例杖一百流

三千里孫張氏請

旌夏石色毋庸議

安徽司二十一年

題趙轉毆傷胞兄趙六三致令自盡一案查趙轉因  
胞兄趙六三見借錢祭祖詈罵該犯答以輕祖重錢  
趙六三拳毆該犯左太陽並揪辮拾柴毆傷伊肩甲  
該犯情急奪柴打傷其偏左趙六三生氣該犯向其  
磕頭服禮趙六三悔忿交迫投繯殞命該撫將該犯  
照逼迫期親尊長自盡量減擬流部以趙轉借錢祭  
威逼人致死

掃其理甚正趙六三因理曲受虧悔忿輕生並非由  
趙轉毆打所致該犯既無可畏之威未便援引逼迫  
尊長自盡之律自應衡情定擬趙轉應改依毆傷胞  
兄律於徒三年本罪上加一等杖一百流二千里

雲南司 二十一年

奏余有倫因劉小五與伊妹卯兒通姦起意將劉小  
五殺死致砍傷伊母賀氏並將伊妹砍斃一案查案  
內之劉小五與卯兒通姦致釀逆倫重案將劉小五  
從重發新疆為奴

陝西司 二十一年

咨郭居現毆逼郭回戶娃自盡一案查郭居現因令  
族弟郭回戶娃看守門戶因其出外被竊責令賠還  
郭回戶娃不服叫罵該犯輒恃強捆縛毆打致郭回  
戶娃被逼氣忿自縊身死將郭居現依因事用強毆  
打威逼人致死致命而非重傷例杖一百徒三年郭  
居全聽從幫縛郭回戶娃兩手即與幫毆無異應照  
不應重律杖八十

貴州司 二十一年  
威逼人致死



容吳應明毆傷傅茂賢婢女桂蘭致令氣忿自盡一案將吳應明依良人毆傷他人奴婢減凡人一等律于因事強毆打威用人致死殘發充軍例上減一等杖一百徒三年

直隸司二十一年

題黃亭與黃方姐通姦嗣黃方姐因夫家迎娶有期不願另嫁甘心自盡向該犯商謀同死該犯聽從下手給食信毒斃命該犯自行服毒而未死該督將該犯依謀殺人造意律擬斬監候經本部以案係姦婦

起意求死先向該犯密商該犯聽從下手將該犯改依謀殺加功律絞候

安徽司二十一年

題周虎強姦李申姐身死一案此案李申姐年甫十三因被周虎強姦內傷越十日身死查姦傷例無正條比照強姦已成將本婦毆傷越數日身死例擬斬監候

陝西司二十一年

奏兵丁翁阿太侵用本官侍衛福清太銀兩並不清還迨福清太至伊寓索討又延不付給致福清太窮威逼人致死

乏窘迫自戕殞命翁阿太並無逼迫情狀應比例量  
減問擬將翁阿太比照軍民人等因事逼迫本管官  
致死依逼迫期親尊長致死絞監候律上量減一等  
杖一百流三千里

陝西司二十一年

題文進有圖姦范氏不從將其兩足割落身死一案  
查文進有因買孀婦范氏欲給伊兄文進德為妻該  
犯行至中途向范氏圖姦不從因被斥罵將其兩脚  
割落越四日殞命范氏與文進德尚未成婚因同凡  
論惟例內並無圖姦不從毆傷本婦越日身死治罪  
明文將文進有比照強姦未成將本婦毆傷越數日  
後因傷身死例擬斬監候

四川司二十一年

咨馬馬氏與冷嚴氏打胎致令墮胎身死一案查馬  
馬氏因冷嚴氏與呂萬康通姦懷孕借伊用葯打胎  
以致墮胎斃命律內並無姦婦自倩他人打胎身死  
用葯之人作何治罪明文將馬馬氏比依受雇為人  
傷殘因而致死戒鬥殺罪一等律杖一百流三  
千里收贖  
威逼人致死



山東司 二十二年

咨王法廷王孝緒先後與路氏有姦王法廷瞥見王孝緒走至路氏屋內即心懷妒忌跌門進內王孝緒逃逸王法廷見路氏赤身在炕復欲行姦路氏聲言踢門必鬧定被隣佑知覺令伊無顏見人向王法廷哭泣王法廷走回路氏旋即投井自盡查路氏之死固由於王孝緒之行姦敗露羞愧莫釋實由於王法廷踢門肆鬧急迫難堪王法廷一犯尚無挾制窘辱情事固不得科以因姦威逼之條而因姦肆鬧致姦

婦愧迫自盡亦未便照尋常姦婦羞愧自盡例滿徒王孝緒一犯若非與路氏續姦王法廷無所用其妒姦肆鬧該氏既因姦情敗露投井身死正與因姦敗露自盡之條吻合撫以例無明文將王法廷擬徒王孝緒仍科姦罪王法廷部改和姦之案于姦婦因姦敗露羞愧自盡姦夫滿徒上酌加一等杖一百流二千里王孝緒依和姦之案姦婦自盡例滿徒

直隸司 二十二年

咨謝琥與宋任氏通姦因其拒絕復與王老姦好該

威逼人致死

犯喝破姦情挾制羞辱以致宋任氏愧忿自盡將謝  
琥依和姦之案姦婦因姦情敗露羞愧自盡姦夫滿  
徒例上量加一等杖一百流二千里王老擬徒

奉天司 二十二年

題張段氏與靳三姦好並抑媳黃氏亦與靳三通姦  
不允毆打逼勒致靳三強姦黃氏未成將黃氏殺死  
將該犯婦比照抑媳同陷邪淫致媳自盡例寔發  
奴為

江蘓司 二十二年

題朱茂堂誤認杭翁氏以為與伊通姦之曾王氏上

前樓抱杭翁氏聲喊旋經隣人勸令服禮寢息嗣杭  
翁氏之子杭有祿聞知徃向朱茂堂不依被朱茂堂  
之子將杭有祿毆傷杭翁氏因被戲謔其子又被毆  
傷追忿自縊殞命例無誤認調姦致本婦追忿自盡  
作何治罪明文將朱茂堂比照<sup>調</sup>姦婦女未成業經和  
息本夫婦復追悔抱怨自盡例滿流

直隸 二十二年

咨孟益謙圖姦外孫李盛德之妻李劉<sup>氏</sup>未成寢息後  
李盛德聞外祖母孟劉氏斥辱抱忿自盡例內並無  
威逼入致死



作何治罪明文將孟益謙比照調姦婦女未成和息後因人耻笑其夫追悔抱忿自盡滿流例上酌加一等發附近充軍

江蘓司 二十二年

咨趙李氏因馮徐氏與人通姦免令買藥打胎該氏貪利允從以致馮徐氏因此殞命查墮胎事類傷殘係屬受產核與受產情為人傷殘因而致死之律相符趙李氏比照受產情為人傷殘因而致死者戒鬥殺罪一等律於絞罪上減一等滿流係婦人照律收贖

奉天司 二十二年

咨貴凝偕妻烏蘓氏借住伊妻弟景運家房屋烏蘓氏與景運之妻覺羅氏同房分炕睡宿夜間貴凝欲與烏蘓氏說話進房至炕推拉不料覺羅氏與烏蘓氏同炕睡宿以致誤將覺羅氏拉醒覺羅氏羞忿莫釋服粉意欲自盡經氏姑查知勸息因景運追問前事覺羅氏觸忿自縊身死查覺羅氏之抱忿輕生在業經勸息月餘之後與業經和息因人耻笑追忿自盡者情節相同惟覺羅氏雖則疑其圖姦在該犯實威逼人致死

無圖姦之心貴凝應于調姦婦女未成業經和息之後如有因人耻笑本婦追忿自盡滿流例上等量減一滿徒

江蘓司 二十三年

咨張瑞方與蔣春大之妻莊氏通姦本夫姦所獲姦非登時殺死姦婦並幼女二命後又自刎身死將張瑞方比依本夫聞姦數日殺死姦婦例擬杖一百徒三年惟因姦致死三命應依命案不應擬抵致死三命以上加一等例於滿徒罪上加一等杖一百流二

廣東司 二十三年



咨陳丙借給試用監知事郝興安銀一千兩違禁九扣先收回銀一百兩嗣郝興安已還本銀七百二十兩餘欠央緩該犯輒令即日歸還不許回寓復經郝興安措還銀一百兩實止欠銀八十兩懇求寬緩該犯猶不允許斥罵疲賴無耻並稱元旦坐索吵鬧令其沒臉以致郝興安被逼難堪忿恨自縊該犯係粵東流寓民人郝興安係粵東試用職官雖非本管官長究未便僅同常人威逼科以杖罪且其違禁取利計贓已罪應滿杖未便置人命于不論將陳丙比照威逼人致死



軍民人等因事逼迫本管官致死者絞例量減一等杖一百流三千里

陝西司二十四年

咨朱世元因馬重幅竊伊柴薪將馬重幅查獲網毆以致馬重幅被辱難堪掙脫投崖自盡查律例並無事主拴毆竊賊自盡作何治罪明文將朱世元比照因事用強毆打重傷而非治命例滿徒量減一等杖九十徒二年半

河南司二十四年

奏差役安振興藉差滋事致令杜端姐自縊身死一案查安振興因趙成法心疑杜方傳賴婚涉訟經縣審明以趙成法貪苦斷令杜方傳幫給錢文該役奉差至杜方傳家催繳與杜方傳之妻尹氏爭角以無錢即傳尹氏之女端姐到案使其丟臉之言向詈以致端姐畏累自盡將安振興比照因事與婦女口角彼此詈罵婦女一聞穢言氣忿輕生例杖一百流三千里

直隸司二十四年

咨張胡氏與王得幅通姦被伊夫張玉堂看破不依威逼人致死

欲行休棄該氏並不悔過拒絕輒敢肆行悍發將張  
玉堂擗毆多傷致令氣忿自盡除張胡氏依妻妾悍  
潑逼死其夫致死例擬絞立決外將王得幅比照婦  
女與人通姦其本夫並非縱容一經見聞殺姦不遂  
因而羞忿自盡例杖一百徒三年

江蘓司 二十四年

咨錢三因疑蔣易如與張潘氏有姦向蔣易如取笑  
盤問以致張潘氏聞知自刎身死將錢三比照並未  
與婦女親面相謔止與其夫親屬互相戲謔婦女聽  
聞穢語羞忿自盡例滿流

直隸司 二十四年

奏任秉衡因子媳任張氏患病囑令其母張孟氏領  
回調治嗣病痊愈張孟氏囑令接回該犯嫌任張氏  
性情執拗不肯領回始則勒索無事字據繼又逼罵  
許令伊子重定另娶字樣層層威逼以致張孟氏母  
女冤苦無伸忿激難堪同時自刎身死查任張氏與  
任秉衡有翁媳名分未便竟照一家二命科斷惟該  
犯身充總商恃財倚勢任意威逼挾制害辱致張孟  
氏威逼人致死



氏母女同時自盡將任秉衡以豪強兇惡之徒恃財倚勢因事威逼挾制窘辱貧民冤苦無伸情急自盡致死一家二命絞監候例上量減擬流尚屬情浮於法請

旨從重加發烏魯木齊充當苦差

雲南司 二十四年

咨李榮先與蔣氏通姦嗣因蔣氏復與徐進賢姦好被李榮撞見向蔣氏挾制恐嚇致令蔣氏愁急自縊身死將李榮于姦婦因姦情敗露羞愧自盡姦夫滿

徒例上量加一等杖一百流二千里徐進賢依姦婦

羞愧自盡杖一百徒三年

直隸司 二十五年

咨武玉因與武滿舍戲謔辱及張成之母致張成羞忿自縊身死自常罪坐所由惟張成究係本婦之子核與本婦聽聞穢語羞忿自盡者情稍有間將武玉比照並未與婦女覲面相謔止與其親屬互相戲謔婦女聽聞穢語羞忿自盡滿流例上量減一等杖一百徒三年

威逼人致死

湖廣司 二十五年

咨 寇成瓏調姦尚喬女未成業經官為責懲後因寇  
成瓏之妻郝氏與伊戚談及尚喬女年輕不知自愛  
致被取辱之言經尚喬女聽聞追悔抱忿自盡將寇  
成瓏比照調姦婦女未成業經和息之後因被人耻  
笑本婦復追悔抱忿自盡致死一命杖一百流三千  
里郝氏減一等擬徒

陝西司 二十五年

題沈儉係已死劉氏之夫沈大元胞叔與劉氏服屬

大功該犯因索欠被劉氏頂撞取以娼婦穢語詈罵  
致令自盡比照與婦女口角詈罵穢語輕生自盡滿  
流例上量減一等杖一百徒三年

陝西司 二十五年

咨王克成因胞姪王三才子向徐過娃之妹徐女娃  
拉手調戲畏罪脫逃該犯外歸詢知以調姦無據主  
令王三才子之母葉氏同往吵嚷要人並以跳崖拚  
命圖賴致徐女娃因被逼難堪潛出投窰徐過娃趕  
救亦被墜跌同時掩斃該犯王克成既非調姦本人  
威逼人致死



自未便坐以因姦威逼致死斬監候之條比照虎惡棍徒發極邊足四千里充軍葉氏依為從減一等杖一百徒三年王三才子調姦肇衅致釀二命未便僅照尋常肇衅釀命擬杖致滋輕縱比照調姦歸女未成和息後因人耻笑復追悔抱忿自盡致死二命者將調姦之犯改發邊充軍例上量減一等杖一百徒三年

江蘇司 二十五年

洛僧廣伏與胡王氏通姦潛往續舊撞遇亦與該氏有姦之胡有鳳彼此爭姦廣伏將胡有鳳砍傷肇衅

胡王氏因姦敗露羞愧自盡將廣伏比照和姦之案姦婦因姦敗露羞忿自盡姦夫滿徒例仍照僧道犯姦加二等杖一百流二千五百里先於本廟門首枷號兩個月還俗發配胡有鳳杖一百徒三年

山東司 二十五年

題魯克廣向張大貴之妻張劉氏拉手調戲致本夫本婦羞愧莫釋一同自縊身死將魯克廣照但經調戲本婦羞忿自盡例擬絞監候

又該省題張逢源調姦曹氏未成致氏羞忿自盡並威逼人致死

致氏夫張耀痛妻自盡一案亦照此例從一科斷擬絞監候  
陝西司 二十五年

題劉李氏因見楊唐氏常與夫兄楊生元做飯洗衣  
疑其有姦向人談論以致唐氏聽聞氣忿自戕身死  
訊係因疑姦談論與挾仇污讒者不同應比照捏造  
姦贓款蹟挾仇污讒致被污之人忿激自盡照誣告  
致死絞監候例上量減一等杖一百流三千里楊唐  
氏附請

旌表

浙江司 元年

咨表新猷等行竊陳義榮家衣物賈當被事主妻父  
朱成三查知該犯令事主出錢贖取並許所存原贓  
交還因尚有衣料二件當票遺失稱俟遲日交給嗣  
朱成三復對象向索該犯起意翻賴至朱成三家吵鬧  
莫其不敢復索致事主之妻朱氏以該犯等措賴餘  
贓復累伊父受氣情極自盡該犯等係為諱竊起見  
並非與事主之妻覲面逞威與寔在威逼者有間依  
因盜威逼人致死律量減一等滿流  
威逼人致死



陝西司 元年

題馬印慶竊當馬田氏衣服致馬田氏禦寒無衣氣  
忿自盡身死該犯係田氏故夫馬契胞姪服屬期親  
例無行竊伯叔父母財物致令自盡作何治罪明文  
若照事主失財窘迫自盡擬徒則與凡人無所區別  
如竟照逼延期親尊長致死擬絞則該犯究無逼延  
情狀比照卑幼<sup>逼</sup>延期親尊長致死絞候律量減一等  
杖一百流三千里

安徽司 元年

題設金攷糾竊潘三元家潘三元聞聲趨捕該犯等  
携贓逃走因夥犯落後被獲該犯護夥拒捕用鉄撬  
致傷潘三元臙膊逃走潘三元因傷痛難忍自縊身  
死例無賊犯拒傷事主因傷痛自盡明文比照因盜  
威逼律斬候

直隸司 元年

咨曾與兒因向梁興旺續姦不允用言嚇唬致梁興  
旺服毒自盡查梁興旺係因索錢不給拒絕並非悔  
過自新比照因姦威逼人致死斬候律上量減一等  
威逼人致死

杖一百流三千里

直隸司元年

題劉三因知王臯趕集未回起意冒姦其妻郭氏未成致氏羞忿自盡比照強姦未成本婦羞忿自盡例絞候

山東司元年

題林大強行鷄姦王三不從致王三羞忿自盡例無明文比照強姦未成本婦羞忿自盡例絞候

江西司元年

題林逸遠與嚴劉氏通姦敗露致氏並本夫先後羞

忿自盡比照因事威逼致死一家二命例發近邊充軍部議和姦敗露致氏羞忿自盡與本夫殺姦不遂羞忿自盡均罪應擬徒二罪相等應從一科斷改依姦婦因姦敗露羞忿自盡例姦夫杖一百徒三年

河南司元年

題魯二妮行竊喬典家並未得財迨事隔多日彼此口角致被毆打嗣因傷處潰爛疼痛至喬典門首嚷罵並以圖姦喬典媳婦女兒未成不該如此重打信口穢詈致喬典之媳吳氏女文姐氣忿投繯自盡將威逼人致死



盧二妮援引二十二年三月四川李潮款案内  
諭旨照手足勾引例擬絞監候

四川司 二年

咨饒劉氏與盛萬幅通姦致本夫自盡一案查饒劉氏與盛萬幅通姦經本夫饒悰芳撞見捉拏盛萬幅逃跑次日饒悰芳因找尋姦夫無獲復被伊父訓斥氣忿投繯殞命較之一經見聞殺姦不遂因而羞忿自盡者情事有間將饒劉氏於婦女與人通姦本夫並未縱容一經見聞殺姦不遂因而自盡姦夫擬絞例上量減一等杖一百流三千里盛萬幅應于姦夫杖一百徒三年例上亦減一等杖九十徒二年半

直隸司 二年

咨程二厚臉與趙氏通姦致本夫郭洛有自盡一案查程二厚臉與趙氏通姦被本夫知覺欲將趙氏休棄輒敢主令原媒王史氏徃向本夫郭洛有索取休書以致郭洛有氣忿自縊身死實屬情同威逼惟該犯並無挾制窘辱情事未便科以因姦威逼致死之條應酌量問擬將程二厚臉依因姦威逼致死斬監

威逼人致死

候律上量減滿流

四川司 二年

咨范成祿竊藏卷宗致梁昌仁自盡一案查范成祿係戶書因與典史梁昌仁素不和睦並挾屢被斥詈之嫌取敢起意竊藏卷宗欲令受責以致梁昌仁因此自縊例無治罪明文將范成祿比照事主因失財窘迫因而自盡例杖一百徒三年係書吏仍加一等杖一百流二千里

雲南司 二年

咨李發毆傷劉表氏致令自盡一案查李發因向曾經犯姦之表氏調戲不從爭毆該犯將表氏毆傷致氏氣忿自縊身死律無調姦犯姦之婦未成將本婦毆傷致令自盡治罪明文應仍照因事毆打威逼本例問擬將李發依因事用強毆打威逼致死果有致命重傷例發近邊充軍

山西司 二年

奏武九徵因姦殺死劉澂元夫婦二命一案案內之劉珍子係劉澂元之妹因與武九徵通姦被伊嫂龐威逼人致死



氏撞見向劉澥元告述致姦夫武九徵將劉澥元劉  
龐氏一併殺死因姦致兄嫂被殺未便僅科姦罪將  
劉珍子照因姦釀命例杖一百徒三年

四川司 二年

題王簡秀戳死弟妻王劉氏一案查王簡秀因調姦  
弟妻王劉氏不從用刀將其戳斃律例並無治罪明  
文將王簡秀比照強姦未成將本婦立時殺斃例擬  
斬立決

陝西司 二年

題李泳成調姦杜楊氏不從楊氏聲喊被氏姑杜萬

氏攔毆該犯拒捕立時將萬氏毆斃身死律例內並  
無調姦婦女不從殺死本婦有服親屬治罪明文將  
李泳成比照強姦人妻女其親屬聞聲赴救姦夫逞  
兇拒捕立時殺死例擬斬立決

浙江司 二年

咨陳其樹向患癱病賴胞弟陳希九傭趁養贍嗣陳  
希九因米缺囑陳其樹吃粥過度陳其樹不依向毆  
陳希九回毆致傷經鄰人勸息嗣陳其樹因貧病怨  
命短見輕生訊非逼死所致究由爭毆起衅於弟毆  
威逼人致死

凡傷者杖一百徒三年罪上加一等杖一百流二千里

雲南司 二年

咨胡騰俸毆傷胞伯等情一案查胡騰俸因與胞伯胡燦口角將胡燦毆傷胡燦欲控該犯之母胡楊氏聞知不服前往吵鬧藉端逼索胡燦從前私用公存銀兩以致胡燦被逼身死楊氏亦畏罪自盡是胡燦係楊氏一人逼斃該犯並未在場而楊氏之死亦因逼斃夫兄畏罪所致並非因該犯毆傷胞伯氣忿戕生惟胡楊氏逼斃夫兄畏罪自縊身死究由該犯起

衅應酌加問擬將胡騰俸依姪毆伯叔傷者杖一百流二千里律上酌加一等杖一百流二千五百里

江蘓司 二年

題錢恒發有祖母黃氏早年改嫁華姓黃氏之弟黃方學向倚錢<sup>恒</sup>發家養贍錢恒發因口角將黃方學毆傷畏罪往求黃氏解勸黃方學不依錢恒發即捏稱黃氏所毆列抱呈祈並求黃氏到官代認致黃氏愁急自盡查黃氏雖經改嫁而孫于祖母無義絕之理比照子孫不孝致祖父母自盡本無觸忤情節但其威逼人致死



行為違犯教令以致抱忿輕生例擬絞監候

陝西司 三年

咨孟華文與楊汪氏等母女通姦敗露致其母女自  
盡一案查孟華文與楊汪氏致其女楊年媿通姦敗  
露以致汪氏母女羞愧自盡雖係一家二命究係和  
姦應從一科斷將孟華文依和姦敗露致姦婦自盡  
例杖一百徒三年

胡廣司

咨尤家棟圖得媒錢欲將孀婦楊周氏改嫁誘令氏

父周珍寫給庚帖旋因楊周氏不願改嫁輒以控告  
之言挾制致周珍情急自縊殞命將尤家棟比照婦  
人情愿守志如有用強求娶逼受聘財因而致令自  
盡例發近邊充軍

河南司 三年

題徐二行竊王姓因聞事主起捕藏躲王王氏床下  
迨經搜獲詢知圖竊情由王王氏因徐二係在伊床  
下搜出有閑顏面輕生自盡將徐二比照事主失財  
窘迫因而自盡贓少罪輕不至滿徒者例杖一百徒  
威逼人致死

旌

三年免刺王王保請

江西司

容段奏韶因段向祐年幼家殷屢次誘賭復增欠數目迨勒詐不遂將段向祐拉赴公屋毆逼致段向祐畏懼乘間脫逃失足溺斃查該犯局騙釀命贓未入手且死由自行失跌與實在因盜威逼致死有間比照因盜威逼人致死斬候律上量減一等杖一百流三千里

江蘇司 三年

題陳加瑞因妻吳氏與盧二通姦被盧二拐逃陳加瑞找尋無著又慮子女無人照管以致憂忿自縊例無妻妾因姦背逃致夫自盡作河治罪明文比照婦女與人通姦本夫並未縱容一經見聞殺姦不遂因而羞忿自盡者姦婦擬絞監候

江蘇司 三年

咨高遵路與方景高之妻沈氏通姦經方景高撞獲隨向伊女二姐述知致二姐羞忿自盡例無治罪專條查二姐係沈氏之女如比照姦婦之父母本夫自

威逼人致死



畫例將姦夫一律問擬滿徒於名分之間似無區別  
高遵路北照婦女與人通姦致並未縱容之父母本  
夫一經見聞羞忿自盡者姦夫杖一百徒三年例量  
減一等擬杖九十徒二年半沈氏係二姐之母二姐  
雖因其母犯姦羞忿自盡法難加罪其母沈氏仍照  
犯姦本例科斷

河南司 三年

題茹應紹因見陳海子由茹封印家走出向問不答  
輒疑與茹封印之妻雷氏不端囑茹封印留心察看  
以致雷氏聞穢忿激自縊殞命將茹應紹比照村野  
愚民本無圖姦之心不過出語褻狎婦女一聞穢語  
輕生例杖一百流三千里雷氏請

旌

山東司 三年

咨劉蔡氏因欲與夫之期親伯母劉伊氏對換住屋  
不允吵罵劉蔡氏恣意頂撞以致劉伊氏抱忿自盡  
實屬因事逼迫律例並無逼迫夫之期親尊長致死  
作何治罪明文惟歐夫之期親尊長與夫毆同罪逼  
威逼人致死

延致死事同一律將劉蔡氏依因事逼延期親尊長  
致死絞監候律仍依名例至死減一等滿流照律贖

陝西司 三年

題李全信因胞兄李全貴將伊地侵賣該犯查知阻  
止嗣李全貴因賣地未諧無錢度歲情急自縊身死  
訊明該犯僅止向伊兄李全貴理阻並無吵鬧逼延  
情事將李全信於逼延期親尊長致死絞候上擬量減  
流

陝西司 三年

洛楊三黑強姦犯姦之婦吳董氏不從毆傷後致氏

自盡一案查律例內並無強姦犯姦婦女不從毆打  
多傷致令自盡作何治罪明文將楊三黑於強姦犯  
姦婦女未成致本婦羞愧自盡滿流例上加等擬軍

河南司 二年

題錢東成與無服族叔錢致瑚口角輒以其妻與人  
睡宿之言向其辱詈致錢致瑚之妻薛氏聽聞穢語  
羞忿自盡身死查穢語詈罵即與穢語戲謔相同將  
錢東成照與其夫互相戲謔婦女聽聞穢語羞忿自  
盡例杖一百流三年里

威逼人致死





四川司 十九年

題孫癸娃因伊嫂與陳緯通姦謀殺伊胞兄該犯被  
脅聽從埋屍滅迹查跌總麻以上尊長死屍應斬棄  
而不失減一等為從再減一等擬徒惟該犯於伊嫂  
殺死胞兄並不首告反隨從棄屍應加一等杖一百  
流三千里

江蘓司 二十五年

奏胡觀克強姦伊媳黃氏未成被子胡成琳毆傷身  
死將胡成琳凌遲正法屍妻胡姜氏於伊子身犯蔑  
尊長為人殺私和

倫重罪輒慮及將來養贍無人扶同狗隱實屬昧於  
大義胡姜氏應比照夫為人所殺妻私和者杖一百  
徒三年收贖張聖傳以蔑倫重案輒聽胡成琳跪求  
轉向胡姜氏勸免報驗未便照私和本律擬杖應比  
照知人謀害他人不首告杖一百加一等杖六十徒  
一年黃謙受係胡成琳妻父本屬律得容隱但案關  
倫紀應照不應重律

湖廣司 元年

奏陳得先誤碰伊父陳德祿身死犯母潘氏並不送

究輒行私理依夫為人殺妻私和擬徒

江蘓司 二十五年

奏郭楊氏平素溺愛其子郭春年以致郭春年乘張  
遊蕩入於匪僻迨至謀死其父釀成巨案該氏事後  
查知尤不即時據實報官復又扶同庇縱任聽捏報  
幾致郭春年幸逃寸磔應比照故縱與囚同罪至死  
減等律杖一百流三千里該犯婦昧大義而縱惡逆  
不准收贖應實發駐防為奴郭春年之妻馬氏事後  
知情應於郭楊氏罪上減一等擬徒收贖郭忝德事

尊長為人殺私和



後知情被脅幫同棄屍應照棄屍為從滿徒不失屍  
減一等徒二年半量加一等杖一百徒三年施德沅  
事後查知寔情並不首告應照知人謀害他人不即  
首告亦量加為杖六十徒一年地保秦任稟報遲延  
應照不應重杖

安徽司 元年

咨吳勇剛因李景幅行竊登時追捕毆打致死李景  
幅胞孀陳氏受賄匿報查私和律文係指私和應行  
抵命者而言吳勇剛登時致死竊賊罪止擬徒與應

抵者不同依卑幼被殺尊長私和律於期親尊長被  
殺卑幼私和杖八十徒二年律減一等杖七十徒一  
年半罪上再減二等杖一百

陝西司 二年

奏吳集元扎傷族姪吳鳳翔身死一案查案內之監  
生吳貞元於伊兄吳集元扎傷吳鳳翔時並未在場  
惟因伊兄在縣捏供慮及屍親質証致干刑責輒許  
給屍父銀五百兩教令捏供遷就雖克犯業已坐罪  
究屬持富妾為例無治罪明文應即依例量減定擬

尊長為人殺私和

將吳貞元革去監生照依屍親人等私和人命如兇  
犯期服親屬用財行求者計贓准枉法論罪止滿流  
例上量減一等杖一百徒三年

陝西司 三年

奏余長才子等謀死伊父余國興一案查案內之余  
均山於伊父被胞弟堂兄謀死扶同隱匿私埋雖曰  
被逼畏累第事後仍不首告究屬妄仇縱兇將余均  
山比照故縱罪囚與囚同罪至死減等律於余長才  
子等死罪上減等擬流





印

所  
圖  
書

